

HISTORIA DI SR. JACO VOS



Sr. Jacob Vos, relatando su historia.

Redaccion di Warero tawata di bishita serca Sr. Jacob Vos, mihor conocí como Jaco! Red. di Warero a jega na cas di Sr. Jacob Vos pa mas o menos 7.30 di anochi pa tene un entrevista cu Sr. Vos. Na jegada na cas di Sr. Vos, esaki tawata disfrutando di un novela na t.v., cual nos tin sigur cu Sr. Vos merece awendia, pasobra nos tin sigur cu cualquier persona cu un edad basta avansa asina cu a traha duro den su bida merece un descanso i un divertishon. Jaco tawata tin e bondad di laga nos mira e novela na e momento cu nos a jega na su cas i a duranos e oportunidad di tene un entrevista chicito cu su persona cual ta di gradici enormemente. Red. di Warero a puntra Jaco si e por a conta nos lectornan algo di su bida, cortando alöe i tambe di e diferente trabaonan cu ela jega di haci den su bida. Jaco ta un persona cu a jega di corta alöe na diferente parti di Aruba i tambe nos tin sigur cu Jaco a haci e trabao aki cu gran amor i responsabilidad. Sr. Vos a bisa nos cu e lo trata di conta loke e por corda i mesora e la cuminsa cu su historia cu lo cai na agrado di nos lectornan di Warero.

Jaco ta conta cu e la cuminsa corta alöe cu su 12 aña. E tempo aya e prijs di alöe tawata hopi barata. Na edad di 13 aña Jaco tawata hiba cuminda pa un primo di dje cu tawata traha na 'Wamo'. (Fosfaat) Esaki tawata un lugar cu tawata keda na Sero Cora, esei ta na e punto Oost di Aruba, pariba di Lago Colony. Esaki tawata e promer compania cu tawatatin na Aruba, cual tawata un compania ingles. Tawata tin un buque cu tawata transporta e 'Wamo' e tempo aya pa exterior i su nomber tawata 'Honor'. Un dia a lanta un mal tempo i e buque a dal kibra riba tera (baranca) i tambe hopi boto a wordo benta riba tera pa e horcan i e buque a bin pega te banda di e boca na Cura Cabai. Tawata tin dos mina na Sero Cora. Un tawata jama 'Giron' i e otro mina di 'Colebra' Tawata tin mina di oro na Sero Cora i na Balashi. Despues di Sero Cora e mina di Balashi so a keda di funkshona. Despues di e trabaonan di 'Wamo' i mina di oro, trabaonan a cuminsa bira poco na Aruba i Sr. Vos a dicidi di cuminsa corta alöe. Hunto cu su ruman homber ma-

yor Jaco tawata corta alöe. Jaco tawata tin 12 aña i su ruman 13 aña. Na edad di 17 aña Jaco a bai traha na Venezuela, cortando caña ganando \$40 pa luna trahando bao contract. Despues di Venezuela Jaco a bai traha na Cuba. Na aña 1924 Jaco a regresa di Cuba.

Saliendo for di e bahía di Santiago pa Aruba cu un barco Cubano, jama e tempo ey 'Goret', e barco a casi sink pa motibo di poco balastro. Mester a desvia pa Jamaica i aya mester a keda 19 dia promer cu por a sali pa Aruba atrobe. E viahe a dura casi 71 dia. Jegando Aruba apenas tawata tin un waf di palo chicito na playa, cu tin ora ta mas bao di awa cu riba awa. Situashon tawata malo na Aruba i Sr. Vos a dicidi di bai corta alöe na 'Isla' (Corsow). Ayanan nan tawata paga mas mihor pa cortamento di alöe. Sr. Johan Beaujon tawata encarga cu cortamento di alöe i nan tawata paga e tempo ey Fl. 57 pa 'halifat' di alöe i Jaco hunto cu Janshi Ras tawata corta 6 a 7 alifat pa dia.

Na Corsow Jaco a traha por lo menos 5 luna largo. Despues Jaco a regresa Aruba, mes tempo cu Lago a jega Aruba. Jaco a cuminsa traha na Lago caminda nan tawata paga hopi barata. Trabao tawata hopi duro, bahando hero i cargamento di barco. Jaco a traha solamente 4 aña cu Lago, despues e la bolbe cuminsa corta alöe, ya cu prijs di alöe a subi i tambe e tawata gusta cortamento di alöe.

Despues prijs di alöe a bolbe cai i ora ei Sr. Vos a bai traha na contratista (P.&C). Jaco a traha 6 aña na contratista, ganando f 9,— pa dia i trahando du-